

# ČUDESNI JUG ITALIJE

## 6 DANA / 4 NOĆENJA

**RAVENNA – BARI – ALBEROBELLO-OSTUNI-MATERA-SAN MARINO**  
**20.11.2024 – 25.11.2024.**

### 1. DAN, Srijeda 20.11.2024. BiH, HR. SLO

Polazak autobusa iz Sarajeva/ili Tuzle ispred hotela Tuzla. Vožnja prema graničnom prijelazu Orašje ili Svilaj te vožnja kroz Hrvatsku, Sloveniju i sjevernu Italiju prema regiji EMILIA – ROMAGNA, jednoj od gastronomski najbogatijih regija Italije.

### 2. DAN, - Četvrtak 21.11.2024. RAVENA – RIMINI

Dolazak u RAVENU u jutarnjim satima. Razgledanje grada. Grad obiluje velikim brojem zaštićenih znamenitosti s obzirom da je kroz istoriju bio prestonica Zapadnog Rimskog carstva, te kasnije Ostogotskog carstva. Ravenna daje jedinstven uvid i obiluje savršeno očuvanom vizantijskom arhitekturom. Ljubitelji mozaika je smatraju rajem na zemlji, a gastronomi tvrde da su sir i pršut koji potiče iz ove regije među najboljim na svijetu. Šetnja i razgledanje glavnih gradskih znamenitosti : Duomo di Ravenna, Basilica di San Francesco, Tomba di Dante ALLIGHIERI (Danteova grobnica), Piazza Andrea Costa, Basilica di San Vitale i drugo. Slobodno vrijeme. Nastavak putovanja. Smještaj u hotel i Riminiju ili okolini. **Noćenje.**

### 3. DAN, - Petak 22.11.2024. BARI – PULJA (Apulija)

Doručak. Nakon doručka odjava iz hotela te nastavak putovanja. Nastavak kroz centralnu Italiju i raznoliki teren poznate MARCHE regije koju krase planinski lanac Apenini s jedne strane i Jadransko more sa druge strane. Po dolasku u regiju Pulje odlazimo u obilazak Barija, glavnog grada Pulje (Apulije.)

**Bari i čitav region Pulje** odišu pravim šarmom juga Italije, koji je po mnogima znatno više autentičan od sjevera i zadržao je onaj pravi „duh Italije“ kojeg je u novije vrijeme nemoguće osjetiti u drugim dijelovima zemlje. Obilazak glavnih gradskih znamenitosti : Bari Vecchia – utvrđeni srednjovjekovni dio grada s lavirintom vijugavih uličica, Bazilika posvećena Svetom Nikoli, gdje se nalaze mošti svetitelja. Duomo di Bari – katedrala u vizantijskom stilu, utvrda Castello Normano- Svevo itd. Slobodno vrijeme. Predlažemo šetnju Muratom, modernim središtem gradskog života u Bariju koji se počeo razvijati početkom 19. vijeka, kojeg krase mnogobrojne trgovine, kafići, restorani. Odlazak iz Barija. Smještaj u hotel na području Apulije. **Noćenje.**

### 4. DAN, - Subota 23.11.2024. – ALBEROBELLO, MARTINA FRANCA, OSTUNI

Doručak. Nakon doručka predlažemo fakultativni izlet u obilazak najpoznatijih gradića Apulije. **ALBEROBELLO**, svjetski poznati gradić prepun „Trulli“ kućica neobične arhitekture. UNESCO zaštićen gradić ostaje zauvijek u sjećanju kao jedan od čudesnih primjera praistorijske gradnje, jedinstvene za Apuliju, kakvu je nemoguće vidjeti bilo gdje u svijetu.

**MARTINA FRANCA**, živopisni grad s prekrasnim gradskim središtem, uskim uličicama i prozračnim Pazzama (trgovima). Šetnja gradskim središtem do Palazzo Ducale, gradske vijećnice i muzeja, te jedne od najgrandioznijih zgrada Apulije. Slobodno vrijeme. Odlazak u **OSTUNI**. Drevni gradić opisan zidinama s panoramskim pogledom na okolnu regiju i Jadransko more. Lokalno poznat kao La Citta Bianca tj. Bijeli grad, Ostuni se redovno nalazi na listama najljepših gradova Apulije. Obilazak gradske jezgre. Slobodno vrijeme. Povratak u hotel. **Noćenje.**

### **5.DAN, Nedjelja 24.11.2024. MATERA – EMILIA ROMANJA**

Doručak. Nakon doručka odjava iz hotela i odlazak do čuvene Matere, izuzetno slikovitog grada izgrađenog na krečnjačkim stijenama prožetim podzemnim hodnicima i špiljama. MATERA je već dugo zaštićena od strane UNESCO-a kao dio svjetske kulturne baštine, a nedavno je i poznati časopis za putovanja Lonely Planet uvrstio na listu TOP 10 mjesta na svijetu za posjetiti. MATERA je uistinu posebna i to ponajviše, jer je značajan dio grada ukopan u same stijene što mu daje jedinstveno ozračje. Obilazak stare gradsk e jezgre SASSI DI MATERA, jednog od najstarijih neprekidno naseljenih mjesta na svijetu, fantastično uklopljenog u stijene. Šetnja kroz drevne četvrti SASSO BARISANO i SASSO CAVEOSO, te obilazak glavnih gradskih znamenitosti. Matera je zbog svog pristorijskog izgleda korištena u mnogim filmovima kao lokacija snimanja, a među poznatijim je i film Pasija, poznatog glumca i reditelja Mel Gibsona. Slobodno vrijeme, Nastavak putovanja prema regiji Emilia – Romagna. Smještaj u hotel u Riminiju ili okolini. **Noćenje.**

### **6. DAN, Ponedjeljak 25.11.2024. SAN MARINO - BIH**

Doručak. Odjavljujemo se iz hotela i polazimo u SAN MARINO, treću najmanju državu svijeta i grad dramatično izgrađen na vrhu brda. Obilazak glavnih znamenitosti Palazzo Publico, Basilica Del Santo, Basilica San Marino, gradske zidine. Slobodno vrijeme za uživanje u prekrasnom pogledu uz kafu ili kupovinu suvenira. U 12.30 sati polazak za BiH. Vožnja kroz Italiju, Sloveniju i Hrvatsku uz pauze po potrebi grupe. Očekivani dolazak u kasnim noćnim satima (oko 02.00 sati). **Kraj usluge.**

## **CIJENA ARANŽMANA : 599,00 KM**

(Cijena kalkulirana na bazi minimalno 40 putnika)

### **CIJENA OBUHVATA:**

- Prevoz autobusom visoke turističke klase sa klimom, toaletom, TV/Video/Audio opremom
- Smještaj na bazi 2 noćenja sa doručkom u hotelu sa 3\* u regiji Emilia Romagna
- Smještaj na bazi 2 noćenja sa doručkom u hotelu sa 3\* u regiji Barija
- Obilazak lokaliteta prema programu putovanja
- Usluge pratioca/vodiča grupe
- Troškovi rezervacije i organizacije putovanja

### **U CIJENU NIJE UKLJUČENO:**

- Obavezno međunarodno putničko-zdravstveno osiguranje 12,00 KM po osobi do 60 godina starosti a 24,00 KM po osobi za osobe starije od 60 godina.
- Boravišna i komunalna taksa 3 € eura po osobi po noćenju (plaća se u agenciji prilikom rezevracije)
- Fakultativni izlet Alberobello, Martina Franca i Ostuni 25 €
- Doplata za jednokrevetnu sobu 150,00 KM
- Doplata za dodatno sjedište u autobusu 150,00 KM
- Individualni troškovi

**Popusti za djecu do 12 godina u pratnji dvije odrasle osobe : 10 % na cijenu aranžmana.**

**Napomena :** Cijena aranžmana je kalkulirana na bazi minimalno 40 putnika. Ukoliko bude manje prijavljenih putnika možemo realizovati putovanje uz prethodni dogovor sa klijentima o korekciji cijene.

**Napomena :** Za realizaciju fakultativnih izleta potrebno je minimalno 25 prijavljenih putnika.

Cijena fakultativnih izleta kalkulirana na broju prijavljenih putnika minimum 25 - a u slučaju manjeg broja prijavljenih putnika cijena fakultative podložna je promjeni prema uslovima lokalne agencije ino-partnera, i organizator izleta može ponuditi korigovane, više cijene u odnosu na zainteresovani broj putnika koje isti nisu u obavezi da prihvate a u skladu sa mogućnostima organizatora fakultativnog izleta – ino partnera), kao i pravo izmjene termina i uslova izvođenja fakultativnih izleta predviđenih ovim programom. Izvršilac usluga i pomoći turistima u mjestu odredišta je inopartner. Organizator putovanja zadržava pravo promjene termina izvođenja izleta.

**Rezervacija putovanja :** Prilikom rezervacije potrebno je dostaviti kopiju pasoša te uplatiti avans u iznosu od 30% ukupne cijene aranžmana a ostatak najkasnije 10 dana do polaska na putovanje. Uplatom akontacije putnik potvrđuje da je pročitao i prihvatio program putovanja.

**Upozorenje :** Mole se putnici da vode računa o svojim putnim ispravama, novcu i stvarima u toku trajanja aranžmana. Svaki putnik je dužan samostalno provjeriti važnost svojih dokumenata i provjeriti zakonske regulative oko ulaska u države koje su u programu putovanja.

Uz ovo putovanje vrijede opšti uslovi putovanja TA Unitravel Tuzla.